

## Syt doch lieb

(-Dur) (st. Jodelt)

**S'git uf der Wält** gar mänge  
Mensch wo andre Lüüte all's  
vergönnt, ja all's vergönnt. Mich  
duuret das u macht mi chrank,  
s'git leider nume Strit u Zank.  
Mich duuret das u macht mi  
chrank, s'git leider nume Strit u  
Zank.

**Wie schön wär's doch** uf dere  
Wält we d'Liebi zersch chäm,  
nachhär z'Gäld, das cheibe  
Gäld. Was andri tüe habFrüüd a  
däm, du bisch de z'friedner  
z'Läbe lang. Was andri tüe  
habFrüüd a däm, du bisch de  
z'friedner z'Läbe lang.

**Was i wott säge** mit däm Lied: I  
bitte euch, o syt doch lieb, so  
syd doch lieb. Mit viel Verstand  
u frohem Muet g'seht ihr scho  
bald wie guet das tuet. Mit viel  
Verstand u frohem Muet g'seht  
ihr scho bald wie guet das tuet.